

**Память:** 07 декабря (24 ноября ст. ст.)

**Кондак 1**

---

Избранную и венчанную де́ву мученицу, невесту Христову Екатерину, похвальными пёсньми воспойм, яко пресла́вную мучителя победительницу и премудрую философ наставницу: ты же, великомученице Екатерино, имущи дерзновение ко Господу, приклонися милостивне к благопотребным прошениям зовущих ти:

Ра́дуйся, Екатерино, невесто Христова премудрая.

**Икос 1**

---

А́нгелом равную чистоту́ имущи, святая́ де́во Екатерино, с А́нгелы Божественнаго озарения сподобилася еси́, с ними же воспева́ющи Трисвятую́ песнь, услыши нас, поющих тебе́ на земли́ сия́:

Ра́дуйся, честное́ святыни жилище; ра́дуйся, чудесное знамение сбывшагося на тебе́ Божия Промысла.

Ра́дуйся, благоволения́ Отча сосуде; ра́дуйся, страданий Христовых исполненье.

Ра́дуйся, чистое́ Ду́ха Свята́го обиталище; ра́дуйся, светом благочестивыя ве́ры просветившаяся.

Ра́дуйся, святою купелию́ отрожденная; ра́дуйся, измывшая ризы своя́ в Кро́ви А́гнчей на земли́.

Ра́дуйся, ликующая с свяще́нными де́вами на Небеси́.

Ра́дуйся, Екатерино, невесто Христова премудрая.

**Кондак 2**

---

Ви́дящи Екатери́на себе́ видения сподобльшуюся, течё к свято́му ста́рцу, ико́ну ей Богома́тере пре́жде того́ вручившему, и пове́да ему́, ка́ко отвраща́ше лице́ Своё ей явивыйся с Пречисто́ю Своёю Ма́терию Христос, ка́ко безумну, и ни́шу, и худоро́дну ю наре́к, до́ндеже не оста́вит идо́льского нечестия. Преподо́бный же, слы́шав сия́, наста́ви ю в та́инствах ве́ры и кресті́ ю. Она́ же во обновле́нии ду́ха благода́рно поя́ше Бо́гу: Аллилу́иа.

**Икос 2**

---

Ра́зум благі́й, благо́рство и́стинное, бога́тство неги́блющее стяжа́вши в духо́вном отрожде́нии, святая́ Екатери́на досто́йна явися Небе́снаго Жени́ха Христа́, И́же, па́ки явився ей, возлю́би ю и дарова́нным пе́рстнем в невесту Себе́ обручи́. Она́ же, позна́вши тако́е к ней благоволе́ние Бо́жие, та́ко уязви́ся любви́ю Его́, яко не му́дрствоваше бо́лее о

земных вещах, но о Возлюбленном своем непрестанно мысляше. Таковой благодати сподобляшаяся, слыши от нас:

Радуйся, зловоние мирское возненавидевшая; радуйся, в воню мира Христова текущая.

Радуйся, добрая любительнице Жениха Безсмертного; радуйся, сокровище благоволения Вышнего.

Радуйся, деннице пресветлая; радуйся, луно совершенная.

Радуйся, маслино, в дому Божии насажденная; радуйся, кедре, в Ливане высокорасленный.

Радуйся, Екатерино, невесто Христова премудрая.

### Кондак 3

---

Сила Вышнего даде тогда святей Екатерине дерзновение, еже нечестующаго царя Максимина о принесении идолом жертв обличити непоязненно, и той пребысть безгласен на мног час, не могый противитися ей глаголом. Она же, благодарящи Бога, воспеваше: Аллилуиа.

### Икос 3

---

Имуще святая Екатерино свыше данную ей премудрость, егда нечестивый царь, поставив пред собою, вопрошаше ю о роде ея и сане, она исповеда себе быти дочь царскую, философския и риторския науки добре изучившую, паче же Христову невесту себе наименова, в явное отвержение идольскаго служения. Сего ради воспеваем ей сие:

Радуйся убо, Екатерино преславная; радуйся, царское священие.

Радуйся, пчело, дыма идольскаго отлетевшая, радуйся, голубице, златы крила имущая.

Радуйся, кадило Христова благоухания.

Радуйся, Екатерино, невесто Христова премудрая.

### Кондак 4

---

Бурею ярости вознействовився царь на святую деву, рече к ней: «Не глаголи зле о бозех наших». Святая же Екатерино отвещает: «Аще восхощеши отрясти мрак прелести от душевных ти очей, уразумеши богов твоих худость и познаеши истиннаго Бога, Егоже имя, токмо глаголемое, или крест, изображумый на воздухе, прогоняет боги твои и погубляет. И аще повелиши, явлю тебе истину, поющи Богу моему: Аллилуиа».

### Икос 4

---

Слышав нечестивый царь свободный и мудрый ответ твой о вере Христовой, убоився, да не будет побежден от тебе, собра от пределов державы своей мудрецов, числом

пятьдесят, на прение. Ты же, Архангелом Михайлом утверждённая и о победе увёрная, возрадовалася еси вступить в прение с ними. Приими ўбо, дево, от нас похвалу сию:

Радуйся, изъяснительнице ума Христова; радуйся, херувимское стяжавшая Богопознание.

Радуйся, серафимскою воспалённая к Богу любовью; радуйся, мудрых мудрейшая.

Радуйся, духовный меч на неверие изострившая; радуйся, нечестия прогонительнице.

Радуйся, верных наставнице.

Радуйся, Екатерино, невесто Христова премудрая.

### Кондак 5

---

Боготечной звездё была еси подобна, Екатерино, препревши пятьдесят витий и наставивши их на путь христианский, ведущий к праведному Солнцу, от Девы возсиявшему Христу Богу, своими мудрыми глаголы, иже и осуждены бывше за Христа на сожжение и напуществовани молитвою твоёю, с радостию идоща в огонь, поюще: Аллилуиа.

### Икос 5

---

Видев царюющий повеления своя в тебе пренебреженны и увещания презренны, обрати к лукавству, еже ласканием прельстити тя, обещаю полцарства тебе дати. Ты же веру сокровищам земным предпочеши и Жениха Христа возлюбивши паче земнаго царства и одежду мученичества паче багрянницы, отвергла еси его суесловие. Сего ради воспоем ти сия похвальная:

Радуйся, дево, лесь обличившая; радуйся, запинателя змия поправшая.

Радуйся, дочь царева; радуйся, дево, рясны златыми одеянная.

Радуйся, всякое вещество превозшедшая; радуйся, на гору боговидения востекшая.

Радуйся, светом богопознания просвещенная; радуйся, труба духа, воспевшая глас истиннаго богословия.

Радуйся, доброе веры исповедание; радуйся, света евангельскаго сияние.

Радуйся, законов вечных хранительнице; радуйся, наша помощнице.

Радуйся, Екатерино, невесто Христова премудрая.

### Кондак 6

---

Проповедником богоносным, апостолом поревновавши, дерзновенно пред лицем мучителя проповедала еси Христа, истиннаго Бога, Ему же в ранах и в темнице пела еси: Аллилуиа.

### Икос 6

---

Возсиявый в сердце твоём свет истиннаго богоразумия отгна́л есть мрак скорбей, иже не остави́ ты алкати, голубицею пи́щу ти посыла́я, ниже́ стужати о болѣзни, посетил бо Сам ты в темнице, ободря́я и мно́ги венцы́ обеща́я. Ты же, терпеливоду́шная, сим па́че укрепилася еси́ и цари́цу А́вгусту и воеводу́ Порфи́риа, с воины прите́кших к тебе́, обрати́ла еси́ к свету ве́ры Христо́вой и научи́ла пѣти тебе́ сия́:

Ра́дуйся, мирополо́жнице Божѣственныя любве́; ра́дуйся, адама́нте крѣпкий.

Ра́дуйся, вино́ чудес неизрече́нных; ра́дуйся, врага́ терпением убив́шая.

Ра́дуйся, я́звы Го́спода на теле́ своём носив́шая; ра́дуйся, цари́це А́вгусте с прише́дшими к му́ченическому по́двигу путенаста́внице.

Ра́дуйся, я́ко во тьме свет была́ еси́; ра́дуйся, я́ко Сам Госпо́дь, Свет ми́ра, тебе́, в темнице́ бы́вшей, Себе́ явилъ есть.

Ра́дуйся, уз грехо́вных ско́рая решительнице́; ра́дуйся, болѣзнующих ско́рая целѣбнице́.

Ра́дуйся, помо́щнице нашего спасе́ния.

Ра́дуйся, Екатери́но, невесто́ Христо́ва премудра́я.

#### Кондак 7

---

Хотя́щу безбо́жному царю́ приве́сти ты к ме́рзкому идолослуже́нию, па́ки се́ти подсти́лает тебе́, премудра́я, е́же улови́ти ты ле́стно похвало́ю красото́й твое́й; ты же красото́у вещь привре́менно и скоропрехо́дну именовала́ еси́, Христа́ же испове́дала еси́ Бо́га жи́ва и истинна и пѣла́ Ему́: Аллилу́иа.

#### Икос 7

---

Но́вую показа́ царь я́рость и безчелове́чие, повеле́в епа́рху колѣсами растерза́ти де́вственное, чи́стое и свято́е тело́ твоё, но чудесно́ руко́ю А́нгела а́бие разреше́на была́ еси́ безвре́дна и колеса́ на ча́сти сокруше́ны, и́миже мно́ги от неверных уби́ены, я́ко уди́вися сам царь и предсто́ящий наро́д, иже и зыва́ше: «Вели́к Бог христиа́нский». Мы же, чудя́щися сему́, зыва́ем тебе́:

Ра́дуйся, му́ченице, А́нгелом честна́я и говѣйна́я; ра́дуйся, сла́во полко́в страда́льческих.

Ра́дуйся, све́тлая на враги́ побе́да; ра́дуйся, страх неверных.

Ра́дуйся, сосу́де мно́жайшия си́лы Бо́жия; ра́дуйся, ра́дование ве́рных.

Ра́дуйся, Екатери́но, невесто́ Христо́ва премудра́я.

#### Кондак 8

---

Стра́нное сла́вы измене́ние и за Христа́ страда́ние цари́цы и воево́ды с воины́ ви́дешше, устрани́мся любве́ ми́ра и плоти́ и вперим се́бе к разуме́нию Бо́га, Сей бо есть красото́а, и сла́ва, и вене́ц нам, пою́щим: Аллилу́иа.

## Икос 8

---

Весь сладость, весь желание тебе, святая Екатерино, бысть Иисус: сладце бо Его ради горькия муки терпела еси и скипетр, предлагаемый тебе, попрала еси, предзрящи будущее воздаяние. От нас же прими похвальная сия:

Радуйся, чистая, чисте Чистаго возлюбившая; радуйся, горлице, Краснаго Жениха в пустыне дольнаго мира вожделевшая.

Радуйся, воню риз Его благоухавшая; радуйся, яко серна на горах ароматских искавшая Рожденнаго прежде холмов вечных.

Радуйся, подвиг страдальческий ради любви Христовы совершившая; радуйся, лик мученический Богу приведшая.

Радуйся, яко витии тобою получиша Царство Небесное; радуйся, яко тоже тобою получитьи чаем.

Радуйся, покрове и забрало наше.

Радуйся, Екатерино, невесто Христова премудрая.

## Кондак 9

---

Все естество ангельское возрадовался радостью, зря тя, Екатерино, победивши миродержца, шествующую к премирным яко победоносную воеводу, в последовании полка страдальческаго, и воспев победная, зывая: Аллилуиа.

## Икос 9

---

Витии многовещаннии заустышася: не возмогше бо противовещати богодухновенным словесем твоим, молчанием почитают дарования твоя; мы же, немощнии, како можем отверсти уста на хвалы твоя? Однако дерзаем и молим, сподоби, благая, безбедно принести тебе песнь сию:

Радуйся, органе Духа Святаго; радуйся, заре неизреченнаго осияния.

Радуйся, догматов Божественных пучино; радуйся, хитросте, препревшая философ.

Радуйся, чаше премудрости; радуйся, плетения витий растерзавшая.

Радуйся, пленицы греховныя разрешающая.

Радуйся, Екатерино, невесто Христова премудрая.

## Кондак 10

---

Спасти хотящи душу твою, о теле твоём нерадила еси, Екатерино, и на мечное усечение, мучителю давшу на то изречение, ты радостно потекла еси, поющи Святому Безсмертному: Аллилуиа.

## Икос 10

---

Стенá твёрда и непреодолима явилася еси́ жена́м, тебе́ на ме́сто усече́ния провожда́ющим и с рыда́нием ты жестокосе́рду к себе́ и безразсу́дну быти имену́ющим: я́ко не пощади́ла еси́ сла́дкаго живото́а в цве́те ю́ности, я́ко презре́ла еси́ земно́е предлага́емое ца́рство и блаже́нство. Ты же воспрети́ла еси́ неполе́зный плач их и суесло́вие, теку́щи скорей́ше соедини́тися чрез сме́рть со свои́м Возлю́бленным, тогó ра́ди слы́шиши:

Ра́дуйся, ра́достно за Главу́ Цёркве Христа́ под меч главу́ свою́ приклони́вшая; ра́дуйся, до конца́ претерпе́вшая.

Ра́дуйся, течéние до́бре сконча́вшая; ра́дуйся, я́ко ни ско́рбию, ни ра́нами, ни мечём с пу́ти Христо́ва испове́дания не соврати́лася еси́.

Ра́дуйся, я́ко пла́мень любве́ в исто́чнице кро́ве неугаси́мь соблю́дшая; ра́дуйся, му́чеников красото́.

Ра́дуйся, крёпкое христиа́н прибе́жище.

Ра́дуйся, Екате́рино, невесто́ Христо́ва премудра́я.

## Кондак 11

---

Пе́ние похва́льное дерзну́хом принести́ тебе́, но оскудева́ет сло́во на́ше и недоумева́ет ум, ка́ко глаго́лати; оба́че сло́во твоё́ премудро́е, мно́гих исхити́вшее от неве́жества и идолонече́стия, возставля́ет нас. Дажь нам сло́во твоё́, во е́же пе́ти уди́вльшему на тебе́ вели́чия Своё́ Бо́гу: Аллилу́иа.

## Икос 11

---

Светоприёмную́ ты свещу́, ме́чным усече́нием погашённую, но на све́щнице Небе́сном пред Престо́лом Святы́а Трои́цы поста́вленную, ви́девше Святы́и А́нгели, поклони́шася Живу́щему во ве́ки и, получи́вше от Влады́ки повеле́ние, де́вственное те́ло твоё́ на горе́ Сина́йстей погребо́ша, да не ви́димо бу́дет, я́коже сама́ хоте́ла еси́, враго́м Госпо́дним. Мы же песнь си́ю возсыла́ем ти:

Ра́дуйся, солнцеобра́зная де́во, на Небеса́ ду́хом возше́дшая; ра́дуйся, Сио́на Го́рняго дости́гшая.

Ра́дуйся, ве́нче добрóты в ру́це Госпо́дни; ра́дуйся, ча́ше, от оби́лия до́му Бо́жия че́рплющая ра́дость.

Ра́дуйся, к ски́нии нерукотворе́нней, ве́чной прибли́жившаяся; ра́дуйся, на горе́ зако́нней почива́ющая те́лом.

Ра́дуйся, я́ко та́мо ви́дена бы́ша ше́ствия Бо́га Сина́ина, Бо́га Иа́ковля; ра́дуйся, ме́ста богови́дения Моисе́ева одержáние.

Ра́дуйся, ре́вности Или́ины указа́ние; ра́дуйся, купины́ несгора́емой явле́ние.

Ра́дуйся, де́во, Де́ве Ца́рице, в ри́зы позлаще́нны оде́янной, преиспещре́нной  
всле́дствующая; ра́дуйся, я́ко тобо́ю Сый воспева́ется посреде́ дев тимпа́нниц.

Ра́дуйся, я́ко на тебе́ велеле́пота Его́; ра́дуйся, Престо́ла Ве́чнаго предсто́ятельнице.

Ра́дуйся, от хра́ма вселе́нныя моли́твенники к тебе́ назира́ющая; ра́дуйся, кади́ло мо-  
ли́тв Вы́шнему о нас благоприя́тное.

Ра́дуйся, Екате́рино, неве́сто Христо́ва прему́драя.

### Кондак 12

---

Благода́ть дана́ тебе́ от Бо́га руково́дствовати к позна́нию и́стины Его́, в та́йне  
сокрове́нной, и да́ти всем я́же к по́льзе проше́ния. Те́мже мы, помраче́ннии, умиле́нно  
про́сим тя, му́драя де́во: просвети́ умныя на́ши о́чи и положи́ нам к Небеси́ стезю́  
прохо́дну, да поём с тобо́ю ны́не и во вся ве́ки Еди́ному Прему́друму: Аллилу́иа.

### Икос 12

---

Пою́ще кре́пкия тво́я му́ченическа́я по́двиги, хва́лим тя, я́ко одушевле́нный сосу́д  
спасе́ния челове́ков: твои́м бо ра́зумом Бог прему́дрость прему́дых ве́ка сегó погуби́; то-  
бо́ю вити́й призва́ в язы́к свят, в лю́ди обновле́ния, я́ко тем страда́ти за Христá. Просвети́ и  
нас, благáя де́во, помраче́нных, да зове́м ти:

Ра́дуйся, зерца́ло Бо́жия му́дрости; ра́дуйся, си́лою Вы́шняго оде́янная.

Ра́дуйся, подви́жнице, еле́ем ра́дования умаще́нная; ра́дуйся, воево́до, полк Бо́жий к  
ве́чному вели́честву предпосла́вшая.

Ра́дуйся, во све́тлости святы́я вше́дшая; ра́дуйся, во све́те непристу́пнем Живу́щему  
в ли́це пла́менных слуг предста́вшая.

Ра́дуйся, гром трисвята́го пения́ гласом своим умножа́ющая; ра́дуйся, неизрече́нную  
сла́дость добро́ты вкуша́ющая.

Ра́дуйся, я́ко хвала́ и ра́дование над главо́ю твоёю; ра́дуйся, я́ко ве́чная сла́ва тебе́  
объе́млет.

Ра́дуйся, от Трипостáснаго Божества́ венце́м Небэ́снаго Ца́рствия увенча́нная; ра́-  
дуйся, благода́ти и безконече́ной сла́вы нам ходата́ице.

Ра́дуйся, Екате́рино, неве́сто Христо́ва прему́драя.

### Кондак 13

---

О свята́я вели́комученице Екате́рино! Приими́ сие́ похва́льное пение́ и изба́ви нас от  
враг ви́димых и неви́димых и от ве́чнаго муче́ния твои́м благоприя́тным ходата́йством со-  
храни́, да с тобо́ю при́сно поём Бо́гу: Аллилу́иа.

*Этот кондак читается трижды, зате́м 1-й икос «А́нгелом ра́вную...» и 1-й кондак  
«Изра́ннюю и венча́нную де́ву...».*

### Моли́тва

---

О святая Екатерино, дево и мученице, истинная Христова невесто! Молим тя чрез особливую благодать, еюже предвари ты Жених твой, Сладчайший Иисус: якоже посрамивши прелести мучителя, мудростию твоєю пятьдесят витий победила еси и, напоивши их Небесным учением, к свету истинныя веры наставила еси, тако испроси и нам оную Божию мудрость, да и мы, расторгнувше вся козни адскаго мучителя и презрев мира и плоти соблазны, достойны явима Божественныя славы и к разширению святыя нашея православныя веры сосуды достойны соделаемя, и с тобою в Небесной скинии Господа и Владыку нашего Иисуса Христа хвалим и прославляем во вся веки. Аминь.